

Soteria

In recuperatam valetudinem

V I R I
GENEROSI ac MAGNIFICI

Dn. DANIELIS
WACHSCHLAGERI,

Burggravii Regii, Praeconsulis,
& Protoscholarchæ omnibus nume-
ris absolutissimi

Ao. M. DC. LXXXVIII.

Calendis Augusti

lætabundi

decantare voluerunt

Rector, & Professores Gymna-
sii THORUNIENSIS.

THORUNNI imprimebat Christianus Bekk, Gymn. Typogr.

1784

Non procul à letho tueras, PATER, heu tua nobis
Penè simul tecum solatia rapta, SCHOLARCHA!
Ast Opifex rerum summus, qui limina cœli
Incolit, & duros morbos mortemq; furentem
Imperio premit, ac vinclis & carcere frenat,
Istud discrimen lethi, noctemq; supremam
Esse procul jussit, præbens medicamen ab alto
Æthere. Jam fractæ redeunt in pristina vires,
Pallor abit, fessi revalescunt corporis artus.
Munere pro tali sit laus & gratia soli
Cœlesti MEDICO, qui Te, VIR MAGNE, deinceps
Incolumem servet NOBIS, URBIQ; Scholæq;!

*** *** ***

Ita,

MAGNIFICE WACHSCHLAGERE;

Patrone ac Compater Venerande,

Tibi,
afflictis Patriæ rébus,
In Malorum remedium
Eidem

(quod de Trajano referunt Historici)

divinitus redditio,

&
Opportunè servato
lætus gratulor;
atque

ut TIBI, & per TE
utriq; REIPUBLICÆ,

CIVILIAC LITERARIAS;

Prospera omnia,

id est;
digna Seculo tuo
(quæ Plinii Vox votumq; fuit)

contingant,
pius precor

PAULUS HOFMANNUS D.

En lux lata micat, niveo signanda lapillo,
Lux fulget, quā vix gratior ulla datur.
Mæcenas noster Venerabilis atq; Scholarcha
Faucibus è mortis jam redivivus adest:
Quem tot morborum diræ superare cohortes,
Et dare sarcophago quem voluere VIRUM:

Hic

Hic spirat, vivit, melius valet, atq; recentes
Acquirit vires, auxiliante D E O.
Diffugunt hostes, febres sæviq; dolores
Coguntur turpi jam dare terga fugæ.
Hos fugat Omnipotens Medicus, Servator J E S U S,
Restituens membris robora firma macris.
Pandite nunc Helicona Deæ, cantusq; motete,
Dulcisonam latus pulset Apollo lyram.
Fundite læta D E O festivo carmina plausu
Cognati, Cives, Curia, Templæ, Scholæ.
Festa renascentis celebrantibus alma Scholarchæ,
Lætitiae nullus debet abesse modus.
Vive, vige, flore longos feliciter annos,
Urbis Honos patriæ, Gymnasiq; Decus.
Major sis, quām cui possint mala fata nocere,
Quām cui Tisiphone dira nocere queat.
De nostris annis T I B I Christus adaugeat annos,
Inlyte W A C H S C H L A G E R, ter venerande Senex.

Gratulabundus scrib.

Wenceslaus Johannides,
Gymn. Thor. P. P.

Magne Vir, ac urbis pars summa & gloria nostræ,
auxiliumq; bonis, subsidiumq; probis.
Lector, qvod tristes elegos & carmina mœsta
non scribam: non est luctibus ullæ mora.
In plausus mea mens abit, & de pectore læto
lætitiam promit, lætitiamq; canit.
Ante quidem spatum breve temporis usq; sedebam
tristis, & in mœsto corpore mœror erat.
Protinus ora color lacrimis suffusa reliquit,
et teter tenuit langvida membra dolor.
Cordatus qvivis plorabat fata superba,
ac ægrum doluit Palladis aula Ducem.
Sidere sub nostro vel mille pericula stabant,
emeritum flevit Patria tota virum.
Inter & ærumnas & sævos viximus enses,
tristitiam qvivis angulus usq; tulit.
Dum Te, Vir, nostri decus & tutela Lycei,
vexaret morbus corriperetq; gravis.
Dum Te vicinum morti spectavimus omnes,
diximus & Parcis talia verba malis.
Quid facit Parcæ? diris cur astibus ustum
torquetis? corpus cur mala febris habet?
Heu finite! heu finite! & morsus compescite vestros,
nec nimius rodat langvida membra calor.

Tu

Tu DELS affer opem, morbum dispelle furentem,
floreat ut magni vita salusq; Viri.
Confestim factum est, mortis cessere tenebrae,
cessit in Arctoum febris iniqva locum.
Hinc mentem sumo lætam, lætusq; tropæa
erigo, qvin totus carmina læta cano,
Aula trahit lætos animos, Regisq; ministri
gaudent, & toto pectori læta gerunt.
Ordo sacer nostri cœtus in gaudia tendit,
ac offert humili verba ligata manu,
Qvod Te, Magne Vir, ac urbis pars optimæ nostræ
ereptum mortis faucibus esse sciant.
Ipse DEI laudes decantas gutture pleno,
ac hodie resonas cantica grata DEO.
Gratulor ex animo de firmis viribus optans,
ut redeat membris pristina vita tuis.
Pectora non vexent mordaces anxia curæ,
temporibus somnus convenienter eat.
Vive DEO, Regi, Patriæ, Civiq; Mihiq;
fructifera plures utilitate bea.
Sicq; tuum nomen sublime feremus ad astra,
et memores erimus sortis ubiq; tuæ.
Nunc placido requiem qværentibus annue vultu,
et sine tutelæ nos opus esse tuæ.
Hoc ubi contingit, satis est; vos ardua regum
limina solliciti plena valete metus.

Δεοντας posuit

M. Martinus Bohm, P. P.

Ostendunt vultus festivos Martis alumni,
Dum Macedum Regis vivida membræ vident:
Nam qvamvis mentemq; calor corpusq; relinqvat,
Dux tamen Æmathiæ debilitate caret.
Exclamat Socii, mœrorem tradite ventis,
Fortis Alexander, Gloria nostra, viget.
Nonne ego concipiam, Mecænas, debita mente
Gaudia, dum radix nostraq; fibra viret.
Cœperat insolitus decerpere corpore vires,
Atq; oculos morbus sollicitare tuos:
Attamen hos prorsus convellere nesciit, illi
Dextera dum summi restitit alma DEI.
Nonne igitur læto celebrent nova gaudia plausu
Certatim Cives, Curia, Templa, Scholæ?
Ovenerande Senex! perge exsplendescere votis
Nunc Patriæ, & Pylios vince, PATRONE, dies.
Musarum facilis quoq; dextris annue coepitis,
Præsidium nobis perpetuumq; Decus.

Devotissime applaudens scribebat

M. Godofredus Weissius, Gymn.
Thos. Prof. Extraord.